




Fréttapistill

Eftirtaldir félagar í HSSK lögðu leið sína á skiðum um Hornstrandir um páskana: Björgvin Richardsson, Már Guðmundsson, Jón Gunnar Hilmars-son og Einar Hauksson. Þeir lögðu upp frá Veiðileysufirði 30.mars. Fóru þaðan yfir í Hornvík og síðan í Látravík. Þar nutu þeir gestrisni Jóhanns vitavarðar og gistu m.a. hjá honum eina nótt. Síðan gengu þeir suður Strandir, urðu að gefa upp á bátinn Dranga-jökulsgöngu vegna veðurs, og komu síðan 5.apríl suður í Tré-kyllisvík. Til Reykjavíkur flugu þeir síðan frá Gjögrri eftir vel heppnaða ferð.



Hrútsfjall með Hrútsfjallstindum efst séð frá Svínafellsjökli. Leið Torfa og Snævars lá upp hrygginn hagra megin við skrið-jökulinn sem skiptir fjallinu í tvennt. Þeir komust upp á mótis við stóra-klettabeltið í miðjum hlíðum. Ljósm. Torfi Hjaltason - apríl '80.

Hin geigvænlega suðvesturhlíð Hrútsfjalls (1875m) í Úrafajökli fékk sína fyrstu heim-sókn nú um páskana. Þar áttu í hlut þeir Torfi Hjaltason og Snævarr Guðmundsson. Eins og áður segir er ekki vitað til þess að reynt hafi verið að klífa þessa hlíð en hún er 1300-1400 m. há og meðalbratti 40-45°.

Þeir félagar lögðu leið sína upp Svínafellsjökul og gerðu síðan atlögu þaðan. Reyndu þeir að fara upp svonefnt Eystra-Hrútsfjall og komust í um 1000 m. hæð á fyrsta degi.


Þar bívökkudu þeir um nóttina en urðu að snúa við daginn eftir, eftir að hafa komist hæst í um 1100 m. Snéru þeir við vegna veðurs auk þess sem aðstaður í fjallinu voru afleitar. Leiðin var ekki mjög brött en komst þó á köflum í 55-60°. Þeir félagar dvöldu inni á jöklinum í nokkra daga til viðbótar en höfðust ekki að vegna veðurs.

Önnur páskaferð í Úrafin var ferð Björns Vilhjálmssonar, Einars Steingrímssonar og Bill Gregory. Þeir gerðu tilraun til að klífa Þumal (1279 m) í Skaftafells-fjöllum. Þeir slógu tjöldum í Bæjarstaðarskógi. Fóru þaðan inn Morsárdal og upp í Hnútdal og bívökkudu þar um nóttina. Þaðan er skammt upp að Þumli. Daginn eftir sóttist þeim leiðin seint upp að Þumlinum og snéru síðan við, við bratta fönns sem var mjög hættuleg v.snjóflóða. Auk þess var tími þeirra orðinn naumur, svo tvísýnt var hvort þeim hefði tekist að klífa tindinn í björtu.

Seinna í þessari sömu ferð fóru þeir Bill og Einar nýja leið á Úrafajökul, upp Virkisjökul. Þar er allt krosssprungið að sumarlagi en nú var allt á kafi í snjó. Þeir voru 6 tíma upp á Hnjúk og 8 1/2 tíma í allri ferðinni og þykir það mjög góður tími.

Allt er þegar brennt er segir máltakið góða og sjálfsagt hafa þeir félagarnir sex úr Flug-björgunarsveitinni í Reykjavík, sem fyrr í vetur ætluðu að ganga úr Mývatnssveit í Kverkfjöll og þaðan yfir Vatnajökul, annað hvort í Esjufjöll, eða í Löns-öræfi, haft það í huga við þá ákvörðun, en tvísvar áður hafði þetta verið reynt án árangurs.

Þeir, sem tóku þátt í ferðinni voru: Arngrímur Hermannsson, Björn Hermannsson, Guðjón



Þumall séður frá suðaustri.- Ljósm. Einar Steingrímsson - apríl '80.

Halldórsson, Guðlaugur Þórðarson, Gylfi Gunnarsson og Rúnar Nordquist.

Félagarnir flugu norður til Húsavíkur 15.mars s.l. Þar sem þeir hittu Guðjón, sem býr þar. Frá Húsavík var haldið í Svartárkot, þar sem haldið var af stað fótgangandi til að byrja með vegna snjóleysis. Ferðin í Sigurðarskála gekk þokkalega og kom hópurinn þangað 18.mars.

Næsti dagur fór í undirbúning fyrir áframhaldandi ferð yfir jökulinn og um kvöldið var haldin mikil átveisla í skálanum. Lagt var á jökulinn þann 20. mars s.l., en þegar í Hveradalina kom fannst skálinn ekki og ákváðu félagarnir að halda niður aftur og gera aðra tilraun.

Eftir tveggja daga dvöl í
Sigurðarskála í slæmu veðri var
svo tekin ákvörðun um að hætta
við jökulferðina vegna snjó-
flóðahattu og halda þess í stað
í vesturátt áleiðis til Sigöldu,
en áætlað var að það væri um

5 dagleiðir. Ferðin í Sigöldu
gekk með ágætum og voru þeir
félagarnir sóttir þangað eftir
tæplega hálfsmánaðar ferðalag.

Snævarr Guðmundsson
Sighvatur Blóndahl.